

Na osnovu člana 8. i 15. Zakona o principima lokalne samouprave u Federaciji Bosne i Hercegovine («Službene novine Federacije BiH», broj:49/06 i 51/09), Zakona o sportu («Službene novine KS» broj:45/12-prečišćeni tekst, 36/21), Odluke o provođenju javnog interesa Općine Novi Grad Sarajevo u oblasti sporta («Službene novine KS» broj: 31/01 i 15/03), Budžeta Općine Novi Grad Sarajevo za 2025.godinu („Službene novine Kantona Sarajevo“ broj:14/25), ekonomski kod 614300/GNA06/tekući transferi za podršku sportskim klubovima, Pravilnika o uspostavi registra/evidencije sportskih klubova i sportskih društava sa sjedištem na području Općine Novi Grad Sarajevo broj: 02/02-40-9688/17, Strategije razvoja Općine Novi Grad Sarajevo 2021-2027.godine («Službene novine Kantona Sarajevo» broj: 26/22), Pravilnika o finansijskoj podršci djelovanja sportskih klubova/društava sa sjedištem na području Općine Novi Grad Sarajevo (prečišćeni tekst) broj:02/06-04-7286/22, Pravilnika o izmjenama i dopunama Pravilnika o finansijskoj podršci djelovanja sportskih klubova/društava sa sjedištem na području Općine Novi Grad Sarajevo broj:02/06-36-4118/24 od 20.02.2024.g., Pravilnika o izmjenama i dopunama Pravilnika o finansijskoj podršci djelovanja sportskih klubova/društava sa sjedištem na području Općine Novi Grad Sarajevo broj:02/06-36-7133/25 od 23.06.2025.g., Općina Novi Grad Sarajevo, putem Službe za obrazovanje, kulturu i sport objavljuje:

JAVNI POZIV

- I. **Predmet javnog poziva:** dodjela sredstava za sufinansiranje/finansiranje programskih aktivnosti sportskih klubova/društava koji djeluju na području Općine Novi Grad Sarajevo /tekući transfer za podršku sportskim klubovima ekonomski kod 614300/GNA06.
- II. **Korisnici sredstva**
Pravo prijave na Javni poziv imaju sportski klubovi/društva sa sjedištem na području Općine Novi Grad Sarajevo koji su upisani u Registar/evidenciju sportskih klubova/društava na području Općine Novi Grad.
- III. **Kriteriji**
Opšti kriteriji:
 - a) da je klub/društvo upisano u registar udruženja kod nadležnog Ministarstva u skladu sa pozitivnim zakonskim propisima, a sa sjedištem na području Općine Novi Grad Sarajevo,
 - b) da je klub/društvo upisano u Općinski registar/evidenciju sportskih klubova/društava Općine Novi Grad Sarajevo,
 - c) da je dostavljen izvještaj sa popratnom dokumentacijom o utrošku odobrenih finansijskih sredstava za predhodnu budžetsku godinu,
 - d) izvještaj o urednom finansijskom poslovanju.**Posebni kriteriji:**
Propisani su Pravilnikom o finansijskoj podršci djelovanja sportskih klubova/društava sa sjedištem na području Općine Novi Grad Sarajevo a odnose se na fiksnu naknadu za sportska postignuća/kategorija seniori-ekipni sportovi (olimpijski i paraolimpijski sportovi-košarka, fudbal, odbojka i rukomet), bodovne kriterije za ostvarene rezultate za proteklu takmičarsku sezonu, tradiciju kluba, broj takmičara, broj članova u klubu i nivo takmičenja.
- IV. **Vrste troškova koji se finansiraju/sufinansiraju**
 - a) Troškovi na ime programskih aktivnosti iz koji je vidljiv opis kako sljede; nabavka sportske opreme, troškovi prevoza, angažman stručnih lica, godišnja članarina, kotizacija, troškovi zakupa terena/sala za realizaciju trenažnog procesa, troškovi zakupa terena i troškovi medicinskog osoblja za organizaciju domaćih utakmica na području Općine Novi Grad Sarajevo, troškovi službenih lica za organizaciju domaćih utakmica (sudije, pomoćne sudije i delegati), licenciranje i registracija igrača prema troškovniku dostavljenom od strane nadležnih sportskih saveza i drugi troškovi koji nastaju realizacijom programskih aktivnosti.
 - b) Najviše 15% odobrenih sredstava se može koristiti za finansiranje administrativnih troškova (troškovi banke, nabavku kancelarijskog materijala, režijski troškovi, i dr);

- c) Odobrenim budžetskim sredstvima ne mogu se finansirati troškovi kao što je kupovina nekretnina, pokrivanje deficita ili darivanje kapitala.

V. Potrebna dokumentacija:

- a) Popunjen „Obrazac” potpisan i ovjeren;
- b) Takmičarska sezona od _____ do _____ (dokaz; potvrda matičnog saveza original ili ovjerena kopija);
- c) Potvrda o postignutim rezultatima u prethodnoj takmičarskoj sezoni - za svakog pojedinca ili ekipu, izdata od matičnog Saveza, sa ranga na kojem je postignut rezultat, međunarodno, državno, federalno i kantonalno takmičenje (vrsta takmičenja, datum i mjesto postignutog rezultata, rang, konkurencija i kategorija – seniori, juniori, kadeti i pioniri);
- d) Potvrda o broju registrovanih takmičara za proteklu takmičarsku sezonu, izdata od matičnog Saveza za navedeni rang takmičenja;
- e) Potvrda o broju članova (potvrda izdata na memorandumu kluba/udruženja, ovjerena i potpisana od ovlaštene osobe);
- f) Aktuelni izvod iz registra udruženja resornog ministarstva (original ili ovjerena kopija) ne stariji od 6 mjeseca;
- g) Program rada i finansijski plan za tekuću godinu sa iskazanim troškovima;
- h) Bilans stanja i Bilans uspjeha ovjeren od strane nadležne agencije za finansijsko poslovanje (FIA) i certificiranog računovođe za 2024.g.(ovjerena kopija);
- i) Izvještaj o utrošku finansijskih sredstava odobrenih od strane Općine Novi Grad Sarajevo za prethodnu godinu, po osnovu upisa u Registar/evidenciju sportskih klubova i društava (službena provjera);
- j) Potvrda banke da račun sportskog kluba/društva nije blokiran i ID broj (ovjerena kopija);
- k) Da je sportski klub/društvo upisano u Registar/evidenciju Općine Novi Grad Sarajevo (službena provjera elektronske baze podataka);
- l) Uvjerjenje nadležne institucije ne starije od 3 mjeseca o izmirenim poreskim obavezama;
- m) Uvjerjenje o izmirenim porezima i doprinosima za zaposlenike (ukoliko ima zaposlenika) (original ili ovjerena kopija ne starije od 3 mjeseca), ako nema zaposlenih priložiti izjavu ovlaštenog predstavnika organizacije ovjerenu kod nadležnog organa;
- n) Ovjerena izjava o broju korisnika kluba, koji na ime statusa socijalno osjetljivih kategorija ostvaruju besplatnu članarinu;
- o) Potpisana i ovjerena izjava odgovornog lica (u prilogu javnog poziva).

VI. Dodjela sredstava

- a) Ukupna finansijska sredstva koje sportski klub/društvo može ostvariti po ovom osnovu, iznose maksimalno do 35.000,00 KM.
- b) Komisiju za bodovanje rezultata sportskih klubova/društava upisanih u Registar sportskih klubova/društava Općine Novi Grad Sarajevo, imenuje Općinski načelnik na prijedlog resorne službe.
- c) Zadaci Komisije: pregled dostavljene dokumentacije po javnom pozivu, bodovanje u skladu sa kriterijima utvrđenim Pravilnikom, te dostava prijedloga Odluke o raspodjeli finansijskih sredstava za tekuću budžetsku godinu.

VII. Obavještenja

- a) Podnosilac, koji je učestvovao u Javnom pozivu, čija prijava nije stigla blagovremeno, koja je neuredna ili nepotpuna, odnosno podnosilac čija prijava nije zadovoljila kriteriji, obavještava se putem resorne službe.
- b) Podnosilac koji je učestvovao u Javnom pozivu, a kojem su dodijeljena sredstva /tekući transfer za podršku sportskim klubovima ekonomski kod 614300/GNA06/, smatra se obaviještenim objavljivanjem Odluke o rasporedu sredstava na web stranici Općine.

VIII. Potpisivanje ugovora/pravdanje dodjeljenih sredstva

- a) Općinski načelnik će sa sportskim klubovima/društvima, zaključiti ugovor o implementaciji odobrenih finansijskih sredstava.
- b) Ugovorom će se definisati jasne i nedvosmislene norme kojima se regulišu prava, obaveze i odgovornosti, način praćenja namjenskog trošenja sredstava, te elementi opisnog i finansijskog izvještavanja o realizaciji utroška odobrenih finansijskih sredstava.
- c) Nadzor nad implementacijom odobrenih sredstva, vršit će resorna služba Općine na način: kontrolom narativnih i finansijskih izvještaja sa pratećom dokumentacijom koja se odnosi na troškove planirane Budžetom projekta/programa, izvještaja o utrošenim sredstvima i realizovanim aktivnostima sa popratnom dokumentacijom, kontrolom na mjestu provođenja programskih aktivnosti.
- d) Korisnici sredstava su dužni dostaviti narativni i finansijski izvještaj sa pratećom dokumentacijom o implementaciji odobrenih finansijskih sredstava najkasnije do 31.01.2026. godine.
- e) Općina zadržava pravo povrata odobrenih finansijskih sredstava ukoliko ista nisu opravdana ili nenamjenski utrošena kao i uskrati dodjelu finansijskih sredstava po drugom osnovu.

Rok za dostavu dokumentacije je 15 dana od dana objave Javnog poziva, dokumenti se dostavljaju uz obrazac u originalu ili ovjerenoj kopiji, putem protokola Općine Novi Grad Sarajevo radnim danom od 8 h do 17:00 h ili poštom preporučeno na adresu: Općina Novi Grad Sarajevo/Služba za obrazovanje, kulturu i sport/ Bulevar Meše Selimovića broj 97.

Gramatička terminologija korištena u ovom Javnom pozivu podrazumjeva uključivanje oba pola.

Obrazac po javnom pozivu može se preuzeti putem zvanične Web stranice općine: www.novigradsarajevo.ba – padajući meni Aktuelnosti - Javni pozivi ili kancelarija broj 418 i 414/IV.

Dodatne informacije po javnom pozivu mogu se dobiti putem telefona broj; 033/291-378 i 033/291-134 ili e-mail: sport@novigradsarajevo.ba.

NAPOMENA:

Dokumentacija po Javnom pozivu potrebno je dostaviti u originalu ili ovjerenoj kopiji.

Prilog:

- 1. obrazac
- 2. izjava

**Općinski načelnik
mr. Semir Efendić**